

桂林風景史實

桂林風景史實

(一) 疊綵山(風洞附誌)

疊綵山峙桂城東北隅其前爲公醫院桂山書院之故址左爲
部昔時定粵禪林秀峯書院遜業堂育才館法專學校皆位於是滄桑幾
易矣指揮部後有味易巖清太史秀峯院長曹謹堂所鑿也曹號味易山
人云巖與山連山後爲北牖洞豁然虛朗中刻佛像及前賢題記甚多每
盛夏時清風徐來塵襟蕩滌故名風洞洞左爲白鶴洞對望則虞山南薰
亭隱約見焉遠眺堯山烟嵐迴合灑水滌洄環城如帶皆洞之外景也然
洞之中又有洞焉由石佛臥隅尙僂穴行中有石室涼飈襲人宜讀書宜
奕棋宜飲酒宜焚香靜坐鐘乳纍垂天光一線盤旋鬱紆循別徑而出則
在山之頂矣是爲太極洞真畫境也詩境也禪境也山之前面爲景風閣
憑牕四望全城在目湖光山色拱揖几案間壁間鐫清賢題詠琅然可誦



名多難以縷指亭臺數座前後錯列曰福庭曰一拳亭曰所憩亭曰文昌閣曰佛殿曰僧寮洞天福地游屐至此頓覺生面別開山門巋然一碑署江陵張忠烈常熟瞿忠宣二公成仁處前明忠臣張經略同敵瞿留守大學士式耜擁立永明王殉節桂城梁芷隣中丞爲立石紀念民族英雄今古同光真足爲桂林山水生色矣

(二) 虞山(韶音洞南薰亭附誌)

出桂城北行數里重巘上盤青嶂倒列灘水漾其左皇澤灣其後有洞曰韶音水石清漪山高洞深涼風颯然前掠松林後挽溪壑鳥嚶樵唱衆籟沓來笙鏞璆石如奏有詔於是山之下史稱舜南巡狩崩蒼梧之野二妃殉焉其實桂林置郡始於秦舜跡未嘗至桂也桂處南荒先民崇德而宗聖因於洞之南麓祀有虞氏古木蒼蒼廟貌巍然故號是山爲虞山山左側臨灘處枕麓特高上有亭曰南薰倚檻東眺堯山積翠與波淡蕩春夏

之交菜花黃時平疇萬頃一望無際登臨覽勝儼如化身黃金世界中斯則南薰亭之大觀也磨崖鐫舜廟碑宋儒張栻作韶音洞記爲金石考古家之所踴躍茲錄宋賢方信孺韶音洞刻古相思曲以導游蹤其詞曰

西風攪桂樹落日明楓林游子懷歸期餘悲渺登臨虞山一何高湘水一何深英皇僅古塚寂寞薰兮琴我欲奏古曲俗耳便淫淫古器不可見聊作相思吟相思長相思相思無古今一歌衆鳥聽再歌萬籟暗推手君勿歌有酒且孤斟落落此時意寥寥手載心五絃毋庸絕四海誰知音

(三) 中山公園(獨秀峯附誌)

中山公園位於桂城中央前明靖江藩邸清貢院今三高軍訓大隊部之後孫總理北伐經桂林嘗註蹕獨秀峯前都人士因於山麓建紀念塔園亦中山命名中爲仰止亭譚組庵先生握籌國府時捐資所建亭之四

周竹籬花架景物幽絕循欄曲折入爲清撫梁芷隣太史舊建五詠堂故址五詠堂者以堂碑舊刻山谷手書五君詠得名今原碑存桂城勞公祠而芷隣像尙存公園內由五詠堂左折而前爲中山堂中懸中山總理遺像老梅數株盆花百本清芬繞砌秀峯排闥仰瞻國父令人生高山景行之思出中山堂亭榭參差園花錯落縱橫數百武綠草如茵虬枝夾道獨秀峯巍然在目矣峯下有讀書巖岩後通池小橋臨水中峙平臺池水漣漪衆卉芬芳游屐多憩於是六朝劉宋時詩人顏延之官始安太守嘗構宅獨秀峯下今讀書岩顏公遺蹟也鳥道摩空盤空而上磴道三百六十有餘級登峯造極危亭數座萬山環拱故以獨秀名險甚游者鮮能登焉磨崖書紫袍金帶介然獨立南天一柱俱蒼勁可觀故亦名紫金山峯之北麓新建礪俗亭今國民政府廣西省政府褒揚壽母葉盧氏忠孝節義以礪俗也亭中徧刻當代名人題聯邑紳石孟涵作壽母傳傅鏞作礪俗

亭記今俱鐫於峯麓

(四) 月牙山

循灘江而東渡浮橋爲水東洲更前行嬾門嵌石署曰芙蓉萬仞花橋在焉市聲匝地綠雲倚天桂林名勝之一也行約里許石巔一峯端直峭拔若劍狀目爲劍山山腰石室寬平磴道數十級崖石半懸形如初月故名月牙山山前有潭深不可測通龍隱巖山之勝在沿溪一帶石磴曲折近水遠山回環映合梵音起處蘭若在焉怪石嶙峋樓閣參差環灘江瞰桂城登臨四望令人神遠有名之閣凡三曰倚虹樓曰叢桂樓曰襟江樓桂撫張聯桂邑紳王壽齡石寶恆題額明儒周進隆紀月牙山詩云翠微峭報倚天表半輪月照桂江小巖頭春鳥棲高枝一聲啼破手山曉

(五) 龍隱巖(龍隱洞附誌)

桂林溪山之勝龍隱稱奇巖之上有狄武襄公平蠻碑巋然江濱荆苔剔

鮮想見先代民族英雄尙武之精神泛舟石壁下有大洞門高可百丈跋
涉而入仰觀洞頂石縫裂處龍跡夭矯其長竟洞故名龍隱或傳龍去影
存故又名龍影穴行一箭許別有洞門可出巖在洞側山半有小寺依巖
構佛堂磨崖鐫元祐黨籍碑舊建釋迦寺兩華堂兩旁蠹環翠閣駘鸞閣
宋范石湖之所建也石湖曾作駘鸞記五閣廢後更建怡雲亭時歷千載
亭寺廢圯久矣而江山之勝依然洞之外清流激湍麥畦菜圃綠雲連天
樵漁互答入巖則丹墀滅燄玄壑生涼泉飛石隙乳可烹茶太白詩云排
花流水杳然去別有天地非人間斯巖似之宋人游跡最盛鐫題之衆環
壁幾無完石治平熙甯元豐紹聖崇甯大觀建炎淳熙嘉定以來余靖李
師中張覲苗時中曾布劉宗傑盧約胡宗回譚揆王祖道方信孺孫師聖
等均題名難以縷指唐賢張濬及宋賢米芾程節朱煥章峴李師中許
子紹張田朱晞顏張叔信王正功方信孺張釜俱有游龍隱巖詩刻於石

覽勝摩娑是有待於後之好游者

(六) 普陀山

瀛江之東有花橋焉過橋折而北行有石門署曰嶺南大觀行數十武抵普陀山山在棲霞洞之左元風洞之右其洞橫通棲霞平崖積翠中建佛剎下臨清溪古木遮崖寒菜連畦蟬聲砧韻風景幽絕山門一聯草書山居得月門近栖霞八字入門一崇閣聳出雲表俯瞰城內外再進則一廣廳題聯云開軒延疊嶂憩石挹飛泉殊見此山之勝矣中爲叢翠堂挹秀軒後爲壽佛洞巖壑幽寂小軒數楹古招提也唐時爲棲霞寺元改建全真觀以斯山昔祀觀音故今名普陀山云左折有亭永泉出焉巨崖當關徇僕行山腰轉處涼氣襲入崇樓傑構曰霞飛閣曰披雲閣迴環曲折聳翠流丹外矚平疇大野如在掌中真別有天地矣前任省長廣西大學校長馬君武博士有楹聯云城東佳境時繞夢魂嘆半世飄零遂與名山成

久別嶺表舊邦飽經憂患願後生英俊共籌良策致昇平亦紀實也

(七)七星巖(棲霞寺附誌)

出桂城東渡灘江行二里許七峯駢列如北斗此七星山也山左爲棲霞寺相傳明末有一逸老抗清逃禪法號渾融卓錫於此瞿忠宣張忠烈殉國時挺身出爲收骨渾融遺蛻亦瘞山前平莽中陳文簡公侍女紅玉墓亦在焉墓側產茶數株味佳極難得世稱紅玉茶寺前復有辛亥革命義士田遇東墓美人名士與高僧並千古矣清巡撫陳元龍於巖前建棲霞書院今寺存而書院圯寺後有碧虛亭其前爲聽月亭崖間鐫唐宋以來名賢詩題甚多有石洞在山半腹入石門下行數十級得石室可坐百餘人洞口鐘乳懸如碧玉壺匪圓匪方如日落波心動盪成質從洞門入石索懸錦若鯉魚躍於雲際左有石樓唐開元時祀玄元老君於此旁有兩路列炬方入一路西行兩壁石筍成林玉液凝柱巖高數十丈穴闢亦三

四丈如行通衢巾頓足曳杖鏗然有聲如鼓鐘然蓋洞之下又有洞焉半里遇大壑不可進歧路有歧游屐迷矣縣志戴唐代乾甯中臨賀令郎冠卿曾遇日華月華二仙於是今寺門鐫聯云七曜靈光寄蒼玉二華仙跡留丹崖卽指此也又一路北行俯僂而入數步則寬廣兩旁十許丈稍進穴道益曲狹左巨壑右深潭游者須秉燭魚貫進曰飛龍潭曰摩天嶺曰賴子潭皆險地也捫壁蛇行數十武輒見石門石楹黝然深黑目力不能窮鐘乳下垂累累高或十尋闊或百尺燭之則旁列萬狀導者一一指曰此爲象則捲鼻而臥此爲獅則抱毬而弄此爲駱駝則長頸而鞍背此爲湘山佛則合掌而跌跏此就布袋和尚則開口而胡盧其他如蓮如蓋如牀如几如晒網如奕棋如魚如鳥如佛手足窮形盡相懾魂駭目穴行數里東向見天光一線突抵洞口出巖之背矣其下爲慶林觀范石湖桂海虞衡志記之審矣世稱桂林山水甲天下烏知桂林巖洞之奇更甲天下

也噫

▲附桂林地方名人史略(已故者錄)

(明)呂調陽

號和卿明榜眼禮部尚書建極殿大學生與張居正同登相位侍講筵著帝鑑圖說

(清)陳宏謀

字汝咨別號榕門清御史乾隆朝歷官布政使巡撫總督兵部吏部工部尚書東閣大學士太子大傅於吏治外兼究史學理學著培遠堂集二十
一史約編五種遺規名臣兼理學大儒

呂熾

號克昌海進士官禮部侍郎都察院左副都御史著雙桂軒集

唐景崇

號春卿原籍灌陽家住桂林清翰林官學部尚書長於史學著有唐書註經筵講稿

周德潤

號生霖清翰林歷官內閣學士禮部刑部侍郎奉命赴滇辦理中越勘界收回失地數百里

岑春萱

原籍西林少時久居桂林歷任陝西山西廣東各省巡撫四川兩廣各省總督郵傳部尙書討袁軍都司令軍政府主席總裁

唐景崧

號徽卿原籍灌陽晚居桂林清翰林嘗參與中法戰爭官臺灣巡撫甲午清割臺灣於日宣布獨立任臺灣大總統歸隱後主講體用學嘗提倡歐學開廣西新文化之先河

陳繼昌

號蓮史清解元會狀元歷官江西按察使山西直隸甘肅江寧布政使署江西巡撫

龍啓瑞

字輯五又號翰臣清狀元提督湖北江西學政官至布政使於湘城派古文學經學音韻學均能淹貫精通著有經德堂集古韻通說經籍舉要

張建勳

號季端清狀元歷任主考學政官至黑龍江提學使兼民政使著有愉穀詩草

劉禮姚

號伯崇清狀元歷官貴州河南廣東主考

朱琦

號伯韓清御史稱直臣同治時守杭州殉節爲桐城派古文家著怡志堂集

曹 馴

號謹堂清翰林主講秀峯書院遜業堂育才館數十年精研羣籍著有文廟禮樂輯要

朱 桓

號海谷清御史歷官福建廣東鹽道書院最知名著古槐廬文稿

石成峯

號子軒清翰林主講宣成書院桂山書院三十餘年造士最多生平專講宋明理學

周 璜

號黻卿清翰林主講桂山書院多年

劉名譽

號嘉澍清翰林河南主考桂山中學校長北京民國大學教授著有四書翼註

况 澍

號雨八清翰林協修康熙字典著有東齋詩鈔

况 澄

號少吳清翰林官御史最有聲由給事中升河南按察使長於考據詞章著西舍詩文集

况國儀

號夔笙官內閣中書舉人清代詞學大家名滿大江南北著有意風詞話蕙風叢書

王鵬運

號幼霞由舉人海升內閣侍讀監察御史禮科維事中直聲振朝野清代詞學大家校刻前賢詞廿五種著半塘詞選

李天佐

號惠生日本醫科大學畢業並有勳植礦物學算術代數教科書及科學概論

黃泌

字霞君清舉人主講宣成書院廣西大學堂生平好士長於史學

張仁普

號仁珊清舉人北京法律學堂畢業歷任廣西司法司雲南廣東福建湖北高等審判廳長

周家彥

號韜甫日本東京帝國大學法學士歷任農部參事財部次長北京大學法學教授

朱倫

號丹山工畫道釋人物山水花禽與羅存理齊名

石成瑞

號子靜清舉人書兼顏柳畫法以山水知名

謝啓發

號醒公清舉人畫工山水

石寶恆

號貞吾小楷工歐趙榜書法柳公權

紅玉

陳文簡公侍女館詩嘉彝普陀山下

#6
449147